



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Enchiridion Sev Manuale Episcoporum Pro Decretis in  
Visitatione, & Synodo, de quacumque re condendis.**

**Gavanti, Bartolommeo**

**Venetiis, 1650**

Quarta episcopalis, & funeralium.

**urn:nbn:de:hbz:466:1-9534**

- 5 Pravi eleemosynatum quaestorū abusus tollantur, & quaestores excludantur. Trident. *sess. 21. cap. 9.*
- 6 Et praesertim pro consecutione Indulgentiarum. Idem *sess. 25. Decret. de indulg.*
- 7 Potest Episcopus eos licet exemptos incarcerare, excommunicare, & castigare. Barbof. *loc. cit. nu. 3.*
- 8 Sedes Apostolica solet concedere cum his conditionibus.  
Ne dicantur quaestores, sed collectores eleemosynarum.  
Ne publicent Indulgentias.  
Ne concionentur. *Vide Concio Sacra. num. 44.*  
Ne circumferant priuilegia, aut Reliquias.  
Ne pulsent campanulam, excepto Ordine S. Antonij Vienn. aliaue instrumenta.  
Ne petant eleemosynam tamquam debitam, aut solitam.  
Nec vlla arte, prae textuue dicendi orationes.  
Ne vrantur minis, nec imprecationibus.  
Nec faciant vllam conuentionem super eleemosynis, etiam pio loco vtilem pro quo petunt, Zerol. *in Praxi. par. 1. v. Quaestores.*  
Haec eadem praescribit Gregor. XIII. Ordini S. Antonij Viennens. Diocesis Anno 1582. cui etiam prohibet benedictiones animalium in stabulis, & annis singulis peti iubet ab Ordinarijs licentiam.  
*Vide Locorum piorum cura. numer. 12. & seqq. Regularium iura sub Episcopis. num. 48. 49.*
- 4 Neque in legatis. ead. 17. Sept. 1585.
- 5 Praetertim non in legato maritandi puellas. ead. 14. Sept. 1592.
- 6 Neque, quando relinquitur pauperibus in genere Barb. *alleg. 86. nu. 21.*
- 7 Neque in relictis pro ornamentis, cereis, fabrica ecclesiae, choro, pictura, calice, anniuersariis. Idem. *ibid. n. 23.*
- 8 Neque quando legatur, vt omni anno fiat solemnitas alicuius sancti, vel constituitur, praebenda, altare, aut pulpitum, &c. Idem. *nu. 25.*
- 9 Neque quando his donat ecclesia in vita donatione inter viuos. Idem. *nu. 26. & Sylu. loc. cit.*
- 10 In his, & alijs standum est consuetudinibus locorum. Couarr. *loc. cit.*
- 11 Quae solita est persolui ante 40. annos ac postea fuerit aliquibus concessa, eadem integrè persoluatur. Trid. *sess. 25. cap. 13.*
- 12 Non comprehenduntur monasteria aedificata à 40. annis citra, aut quae in die aedificantur, praesupposito quod sint eius Religionis, cui Sede Apostolica indultum sit, vt non teneatur eam soluere Episcopo. decisum refert Io. de la Cruz. *de statu Relig. lib. 2. cap. 19. dub. 5. conclus. 2. in fin.*
- 13 Quarta cereorum Confraternitatum funera associantium non debetur Parocho Cong. Episc. 15. Mar. 1616.
- 14 Quarta funeralium debetur Rectori, non Regularibus, etiam si Rectoria sit saecularis in ecclesia regulari. eadem 3. Iulij 1615.
- 15 Non tenentur clerici Regulares ad soluendum Episcopo quartam funeralium. Rot. 15. Ian. 1618. coram Decano. Nald. *v. sepultura. nu. 13.*

## Quarta Episcopalis, &amp; funeralium.

- 1 DE omnibus legatis, & relictis ecclesijs Existentibus in Diocesi competit quarta pars Episcopo. Sylu. *v. Canonica portio §. 4.*
- 2 Et hanc non soluit haeres, sed ecclesia, cui legatum fuit. Couar. *in c. officij de test. num. 1. circa. vl.*
- 3 Non habet locum in funeribus ex caritate piorum locorum. Congr. Ep. 29. Nouembr. 1583.

## ADDITIO.

- 1 STante cōsuetudine in ciuitate, quod ius sepeliendi peregrinos, & viatores spectet ad cathedralem: quarta funeralis non debetur Parocho, intra cuius limites viator retentus pro delicto, & habitatus cum cautione decedit. Congr. conc. 22. Ianuar. 1628.
- 2 An confraternitates debeant soluere Episcopo quartam canonicam. DD. Affirmant, sed verius negant, si metae sunt

Sunt laicales, aut ex mera deuotione auctoritate Episcopi instituta. *Barbos. de iure Eccl. l. 3. cap. 19. nu. 18.*

- 3 Quarta funeralis Episcopi non potest locari. *Congr. Episc. 14. Dec. 1592.*
- 4 Parocho debetur, seu etiam sacerdoti animarum curam exercenti. *DD. cum Barbos. loc. cit. cap. 24. num. 19. 21.*
- 5 Illius nimirum Ecclesiae, in qua Parochianus solet recipere Sacramenta casu quo alibi audiret diuina. *ibi. n. 24.*
- 6 In casu dubio: An debeat Episcopo, vel Parocho, praefertur Parochus ex causa onerosa, Episcopus ex causa lucratiua. *ibi. n. 25.*
- 7 Etiam si Parochianus moriatur ob bellum, pestem in villa dummodo in Parochia domicilium habeat. *ibi. n. 26.*
- 8 Etiam quando aegrotus mutat Parochia. *ibi. nu. 27.*
- 9 Vel aegrotus cum bonis suis ad Religionem se transfert, pendente anno probationis, si in eo moriatur. *ibi. n. 28.*
- 10 Postridie, quam sepultum est cadaver, cum caereis &c. fiat solemnis Missa cum maiori quantitate caereorum, de his quoque quarta pars debetur Parocho. *Congr. Ep. auditis partib. 3. Aug. 1621.*
- 11 De candelis, quas fratres, & alii praebiteri in funeribus gestare solent in manibus, non datur quarta Parocho, sed sunt gestantium. *DD. apud Barb. loc. cit. nu. 39. in seqq. plura habes de hac materia.*

Referendarij.

V. Exempti. nu. 5. Functiones Episcopales. nu. 24. Precedentia. nu. 21.

ADDITIO.

- 1 Possunt celebrare, & facere celebrare circa auroram, & in locis interdictione Ecclesiastica suppositis. *Sixtus V. 10. kalen. Octo. 1586. §. 11.*
- 2 Cedunt locum Auditori confidentiarum. *Congr. Rit. 6. Decemb. 1621.*

Regularium virorum monasteria.

- 1 Non possunt erigi noua monasteria, nisi vocatis aliorum monasteriorum *Barth. Ganant.*

- Prioribus, & cognita causa, an sine aliorum damno ea erigi possint. *Greg. XV. An. 1621. \* Urb. VIII. An. 1625. \**
- 2 Vocatis etiam Prioribus Conuentuum per quatuor millia distantium. *Gregor. XV. ibid.*
- 3 Nec nisi possint habitare, & sustentari duodecim. *Idem locis citatis.*
- 4 Vel constiterit Ordinario, totidem ibi sustentari posse. *Gregor. XV. ibid.*
- 5 Si nulli sint ibi Regulares, accedat consensus incolatum loci. *idem. ibid.*
- 6 Si detur appellatio, nihil interea innovetur. *idem. ibid.*
- 7 Reuocatae sunt licentiae omnes profundandis locis Regularium. *Vrbano VIII. Anno 1624.*
- 8 Et qui praetextu licentiarum reuocatarum sine licentia Ordinarij, & non seruata forma *Gregor. XV. praedicta fundarit, poenam incurrit priuationis vocis, officiorum, inhabilitatis, & ipso facto excommunicationis. idem. ibid.*
- 9 Non possunt edificari Ecclesiae Regularium in loco non exempto, sine consensu Ordinarii loci. *Barb. all. 26. a. n. 3.*
- 10 Monasterium, in quo nondum positus est religiosorum conuentus, sed solum nonnulli religiosi deputati fabricae, non est obligatum clausurae. *decisum referunt DD. locis citatis. n. 15.*
- 11 Item videtur dici posse de iis domibus, in quibus non viuunt in forma conuentus, nec ibi est ecclesia cum Eucharistia, nisi alias subiectae fuerint clausurae. *Bonac. loc. cit. num. 5.*
- 12 Si de claustrorum finibus est dubitatio, per loci Ordinarium, & superiores Regularum explicetur. *Prou. 4.*
- 13 Sacristia comprehenditur sub claustrum. *Congr. Episc. 18. Aprilis 1605. referatur etiam a Coriolano de casibus refer. par. 2. casu 3. quest. 4. num. 31. Negat Bonac. quando immediate ab ecclesia in sacristiam iitur. de claus. quest. 5. puncti 1. num. 4. affi. mat Sanchez in op. mor. l. 6. cap. 17. num. 17.*
- 14 Hortus, vindaria, vineae, quae monasterijs Regularium continenter sunt adiuncta, vt ad ea a monasterijs aditus sit, nulla via, locou publico interiecto claustrorum finibus comprehenduntur. *Prou. 4.*